



Jadual Pembacaan Khutbah Jumaat Siri 11/ 2024 (November 2024)

Bil	Tajuk	Tarikh
1.	<i>Childfree: Antara Sinar Iman Dan Samar Keyakinan</i>	1 November 2024M/ 29 Rabi'ulakhir 1446H
2.	Hargai Keluarga Sementara Masih Ada	8 November 2024M/ 6 Jamadilawal 1446H
3.	Berdamai Dengan Takdir	15 November 2024M/ 13 Jamadilawal 1446H
4.	Erti Hidup Pada Memberi	22 November 2024M/ 20 Jamadilawal 1446H
5.	Jihad Keringat	29 November 2024M/ 27 Jamadilawal 1446H
Khutbah Kedua		

دبىاءى:



زكاة فولاو فینگ

دترىتكن:



جابتن حال إحوال اكام اسلام فولاو فینگ

***Jawatankuasa Panel Semakan Teks Khutbah
Negeri Pulau Pinang***

- 1. Sahibus Samahah Prof. Madya Dato' Dr. Mohd Sukki bin Othman
(Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Erti Hidup Pada Memberi

22 November 2024M/ 20 Jamadilawal 1446H

الْحَمْدُ لِلَّهِ الْقَائِلِ: مَثَلُ الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ كَمَثَلِ حَبَّةٍ أَنْبَتَتْ سَبْعَ سَنَابِلٍ فِي كُلِّ سُنْبُلَةٍ مِائَةٌ حَبَّةٌ وَاللَّهُ يُضْعِفُ لِمَنْ يَشَاءُ وَاللَّهُ وَاسِعٌ عَلِيمٌ ﴿٣٦﴾ سورة البقرة

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ إِلَهًا وَاحِدًا أَحَدًا صَمَدًا، لَمْ يَتَّخِذْ صَاحِبَةً وَلَا وَلَدًا وَأَشْهَدُ أَنَّ مُحَمَّدًا عَبْدُهُ وَرَسُولُهُ وَصَفِيُّهُ وَخَلِيلُهُ، أَرْسَلَهُ رَحْمَةً لِّلْعَالَمِينَ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ تُفْلِحُونَ.

SIDANG JUMAAT YANG DIKASIHI,

Di kesempatan yang penuh kemuliaan ini, khatib berpesan kepada diri sendiri serta para jemaah sekalian, bertakwalah sekalian kamu kepada Allah dengan sebenar-benar takwa. Moga-moga rahmat dan kebaikan daripadanya akan sentiasa memayungi kehidupan kita di dunia yang sementara ini.

Khatib mengingatkan para jemaah agar memberikan sepenuh perhatian kepada khutbah yang akan disampaikan dan tidak melakukan perkara yang sia-sia. Alangkah ruginya kita yang sudah berada di dalam



masjid ini, tetapi masih terleka dengan urusan dunia. Bagi melengkapai kewajipan solat Jumaat hari ini, marilah kita menghayati bicara mimbar yang bertajuk: **“Erti Hidup Pada Memberi.”**

SIDANG JEMAAH YANG DIRAHMATI ALLAH,

Mukmin yang hebat ialah mukmin yang mentalitinya sebagai pemberi bukannya penerima. Kehidupannya akan menjadi lebih bererti apabila dia mampu menjadikan dirinya bermanfaat kepada orang lain. Atas dasar dan prinsip inilah, mukmin yang sejati sentiasa berusaha membentuk dan merangsang mindanya untuk menjadi penyumbang berbanding penerima. Keutamaan orang yang menyumbang pada jalan kebaikan gandaannya melebihi 700 kali ganda. Itulah keyakinan yang tertanam utuh dalam jiwa dan sanubari.

Ayat yang dibacakan pada muqaddimah khutbah secara jelas menyatakan ganjaran yang menunggu mereka yang menyumbang harta miliknya pada jalan Allah *سُبْحَانَهُ وَتَعَالَى*. Firman Allah *سُبْحَانَهُ وَتَعَالَى* dalam surah al-Baqarah ayat 261 yang bermaksud:

“Bandingan (derma) orang yang membelanjakan hartanya pada jalan Allah, ialah sama seperti sebiji benih yang tumbuh menerbitkan tujuh tangkai; tiap-tiap tangkai itu pula mengandungi seratus biji. Dan (ingatlah), Allah melipatgandakan pahala bagi sesiapa yang dikehendakinya, dan Allah Maha Luas (rahmat) kurnia-Nya, lagi Maha Memiliki Ilmu Pengetahuan-Nya.”

Jaminan gandaan yang berlipat kali ganda dalam ayat ini, adalah satu realiti, bukan janji kosong. Ia mendidik orang beriman untuk mengubah minda dan bermotivasi menjadi penyumbang berbanding



penerima. Ia juga secara tidak langsung mendorong mereka untuk menjadi lebih cergas dan proaktif daripada bersikap lemah.

MUSLIMIN YANG DIRAHMATI ALLAH SEKALIAN,

Sudah menjadi lumrah hidup, ada golongan kaya dan ada yang miskin. Pasti ada untuk saling melengkapi antara satu sama lain. Kekayaan yang dimiliki akan dipandang tinggi apabila diinfakkan di jalan Allah. Dalam erti kata yang lain, sifat pemurah mengatasi tabiat suka mengumpul dan mengira-ngira kekayaan yang dimiliki.

Umat Islam adalah umat yang dididik untuk bersikap suka memberi, namun masih terdapat segelintir masyarakat yang bersikap sebaliknya. Allah *سُبْحَانَهُ وَتَعَالَى* memuji orang yang menahan diri dari suka memintaminta walaupun memerlukan. Firman Allah dalam surah al-Baqarah ayat 273:

... يَحْسَبُهُمُ الْجَاهِلُ أَغْنِيَاءَ مِنَ التَّعَفُّفِ تَعْرِفُهُمْ بِسِيمَاهُمْ لَا يَسْأَلُونَ النَّاسَ إِخْفَافًا
وَمَا تُنْفِقُوا مِنْ خَيْرٍ فَإِنَّ اللَّهَ بِهِ عَلِيمٌ ﴿٢٧٣﴾

Maksudnya: “Mereka itu (yaitu orang-orang miskin) disangka orang kaya-oleh orang yang tidak mengetahui halnya, kerana mereka menahan diri daripada memintaminta. Engkau kenal mereka dengan (melihat) sifat-sifat dan keadaan masing-masing, mereka tidak meminta kepada orang ramai dengan mendesak-desak. Dan (ketahuilah), apa jua yang kamu belanjakan dari harta yang halal maka sesungguhnya Allah sentiasa mengetahuinya.”

MUSLIMIN RAHIMAKUMULLAH,



Bersedekah dan berinfaq dapat memperkayakan hati dengan sifat-sifat terpuji. Ia juga mensucikan diri dari sifat-sifat tercela seperti bakhil, di samping menyuburkan harta supaya terus berkembang. Memilih yang terbaik untuk diinfakkan adalah tindakan yang terpuji, sementara berkira-kira dan memilih yang kurang berkualiti hendaklah dielakkan.

Kikir dan bakhil merupakan penyebab kemusnahan umat terdahulu. Imam Abu Daud merekodkan hadis daripada Abdullah bin Umar bahawa Rasulullah ﷺ berkhotbah yang bermaksud:

“Waspadalah terhadap sifat bakhil, kerana sesungguhnya orang-orang sebelum kamu telah dibinasakan oleh kekikiran, dia memerintahkan mereka supaya kikir, maka jadilah mereka kikir, dan menyuruh mereka berbuat maksiat, maka mereka melakukan maksiat.”

﴿Hadis Riwayat Abu Daud﴾

MUSLIMIN YANG DIRAHMATI ALLAH SEKALIAN,

Mengutamakan sikap suka memberi dapat menghilangkan perasaan iri hati dan menyuburkan kasih sayang. Apabila ikatan kasih sayang semakin bertaut, hubungan persahabatan dan silaturrahim menjadi bertamabh erat. Dalam hal ini Rasulullah ﷺ telah bersabda melalui hadis Baginda yang bermaksud:

“Berjabat tangan akan menghilangkan permusuhan dan kedengkian di dalam hati, saling memberi hadiah menghilangkan perasaan dendam dan marah.”

﴿Hadis Riwayat Malik﴾



Menyedari hakikat inilah, kita dapati Islam semenjak awal lagi telah menekankan kepentingan membina sifat saling memberi untuk memperteguhkan hubungan kasih sayang dalam kalangan masyarakat. Suruhan supaya memperkasakah usaha mempereratkan hubungan tidak hanya terbatas kepada sesama Islam sahaja, malahan ia melepasi sempadan agama, bangsa dan keturunan.

Yakinlah saudaraku sekalian, menyumbang tidak pernah mengurangkan apa yang kita memiliki, walaupun pada zahirnya nampak berkurangan. Banyak memberi menambah kesuburan dan keberkatan harta serta kehidupan. Sementara sifat kedekut menjadi penyebab hilangnya kesuburan dan keberkatan harta. Itulah janji Allah sebagaimana yang telah dinyatakan secara jelas oleh Baginda Nabi dalam hadis qudsi:

قَالَ اللَّهُ تَبَارَكَ وَتَعَالَى يَا ابْنَ آدَمَ أَنْفِقْ أَنْفِقْ عَلَيْكَ

Maksudnya: “Allah berfirman: *Infaqilah wahai anak Adam, nescaya Aku akan berinfaq ke atasmu.*” ﴿Muttafaqun ‘Alaih﴾

SIDANG HADIRIN YANG DIMULIAKAN ALLAH,

Mengakhiri khutbah kali ini, berikut adalah beberapa perkara yang boleh dijadikan pedoman:

Pertama: Jadikanlah diri kita lebih bermanfaat kepada orang lain dengan mengubah mentaliti menjadi insan yang lebih suka memberi berbanding menerima pemberian orang lain.



Kedua: Mengutamakan sikap suka memberi dapat menghilangkan sifat iri hati dan menyuburkan perasaan kasih sayang. Ia secara tidak langsung membersihkan diri dari sifat bakhil dan tamak.

Ketiga: Menyumbang kepada jalan kebaikan tidak mengurangkan harta yang kita miliki walaupun pada zahirnya simpanan kita nampak berkurangan.

Keempat: Raihlah keberkatan hidup dengan menyumbang kepada pihak dan golongan yang memerlukan.

Firman Allah dalam surah Saba' ayat 39:

قُلْ إِنَّ رَبِّي يَبْسُطُ الرِّزْقَ لِمَن يَشَاءُ مِنْ عِبَادِهِ وَيَقْدِرُ لَهُ وَمَا أَنْفَقْتُمْ مِنْ شَيْءٍ فَهُوَ يُخْلِفُهُ وَهُوَ خَيْرُ الرَّازِقِينَ ﴿٣٩﴾

Maksudnya: “Katakanlah (Wahai Muhammad): “Sesungguhnya Tuhanku melapangkan rezeki bagi sesiapa yang dikehendakinya di antara hamba-hamba-Nya, dan Dia juga yang menyempitkan baginya; dan apa sahaja yang kamu belanjakan maka Allah akan menggantikannya; dan Dia lah jua sebaik-baik pemberi rezeki.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ،
أَقُولُ مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ،
فَاسْتَغْفِرُوهُ، إِنَّهُ هُوَ الْغَفُورُ الرَّحِيمُ.





Khutbah Kedua

2024M/1446H

الْحَمْدُ لِلَّهِ عَلَىٰ آلَائِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِشَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ اَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ أَنْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، اللَّهُمَّ ثَبِّتْ إِيمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.

اللَّهُمَّ وَفِّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيعَتِكَ،



اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ
وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Sultan Ibrahim dan Kebawah Duli Yang Maha Mulia Seri Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tun Ahmad Fuzi Haji Abdul Razak, Yang di-Pertua Negeri Pulau Pinang dan Yang Amat Berbahagia Toh Puan Khadijah Mohd Noor.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالرَّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَن سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Penyayang; Jadikanlah kami dan keturunan kami orang-orang yang istiqamah mendirikan solat secara berjemaah, mengeluarkan zakat melalui Zakat Pulau Pinang dan melaksanakan waqaf melalui Wakaf Pulau Pinang. Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang dalam usaha mewujudkan keseimbangan sosio-ekonomi ummah di negeri yang tercinta ini.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُوا عَلَى نِعْمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥٢﴾

